

## Condições previas para integrarse na Coordinadora

### Requisitos das ONGD

- Estar legalmente constituída.
- Non ter dependencia orgánica dunha administración pública, grupo empresarial ou outra entidade pública ou privada.
- Non ter fins lucrativos.
- Ter como un dos seus principais obxectivos a cooperación para o desenvolvemento.
- Ter sede ou delegación permanente en Galicia e estar inscrita no Rexistro Galego de Axentes de Cooperación para o Desenvolvemento, sección ONGD, cun mínimo de dous anos de antigüidade no momento de presentar a solicitude.
- Ser unha organización estable cun grao mínimo de estrutura.
- Ter respaldo e presenza social en Galicia.
- Ser transparente nas súas prácticas en no seu funcionamento.
- Cumprir o [Código de Conduta da Coordinadora](#)

### Procedemento de ingreso

A entrada dunha nova ONGD require unha solicitude formal por escrito da persoa representante da organización dirixida á Presidencia da Coordinadora, antes do 31 de xaneiro do ano en curso, acompañada da seguinte documentación:

- Estatutos da organización debidamente legalizados (copia compulsada).
- Certificación do acordo do órgano competente (segundo os propios estatutos) polo que se decide solicitar o ingreso na Coordinadora Galega de ONGD.
- Certificación do acordo de nomeamento dunha persoa representante diante da Coordinadora.
- Copia da resolución de inscrición no Rexistro Galego de Axentes de Cooperación para o Desenvolvemento, sección ONGD.
- Certificación da composición e data de nomeamento da Xunta Directiva ou padroado da ONGD solicitante. No caso de se tratar da delegación dunha entidade de ámbito estatal, certificación de nomeamento da persoa que ostente a representación en Galicia.
- Certificación do acordo do órgano interno competente polo que se faga constar:
  - \* O coñecemento e aceptación dos Estatutos e do Regulamento da Coordinadora.
  - \* O coñecemento e aceptación do Código de Conduta da Coordinadora.
  - \* O compromiso de asistencia e participación nas reunións da Coordinadora.

- Breve informe (2-3 páxinas) cos datos básicos da entidade:
  - \* Fins, obxectivos e áreas de traballo da organización.
  - \* Enderezo social en Galicia, teléfono e correo electrónico.
  - \* Persoal laboral ou voluntario co que conta en Galicia.
  - \* Número de persoas asociadas en Galicia e distribución das mesma
  - \* Memoria ou proxecto de actividades en Galicia.
- Orzamento anual de ingresos e gastos do exercicio precedente e liquidación do exercicio anterior.
- Copia do CIF e certificación de conta bancaria onde domiciliar os recibos da Coordinadora.
- Outra documentación: breve dossier de prensa en Galicia, etc.
- Ficha resumen proporcionada pola Coordinadora, cos datos básicos da entidade para poder enviarlla ás organizacións membro coa documentación e á orde do día e a convocatoria da Asemblea.

Unha vez enviada, toda a documentación será revisada pola Secretaría Técnica da Coordinadora , quen verificará e comunicará ás partes interesadas:

- se todo está correcto.
- se algunha documentación é incorrecta ou está incompleta, caso no que será solicitada a súa corrección.
- se a organización non cumpre algún dos requisitos previos esixidos para pertencer á Coordinadora.

A organización solicitante deberá reparar os erros e deficiencias notificadas nun prazo máximo de 20 días naturais desde a comunicación.

A partir dese momento, convocarase ás organizacións a unha entrevista coa Xunta Directiva. A entrevista terá por obxecto detallar ou matizar informacións en base á documentación achegada.

### **Trámite asembleario de ingreso**

Para que a Asemblea Xeral poida votar respecto á solicitude de entrada dunha ONGD cómpre que a persoa representante da organización solicitante asista á Asemblea, na que participará como convidada. No caso de que non asista, a solicitude de entrada non será tratada.

A persoa representante da organización que solicita a entrada fará unha breve presentación da entidade e responderá ás preguntas das persoas asistentes á Asemblea. Logo da presentación, a persoa representante da organización solicitante ausentarse e sairá da sala para que poida existir o debate e a posterior votación.

As votacións realizaranse de modo secreto, por escrito, para asegurar un voto libre e non influído. A solicitude deberá ser aprobada por maioría absoluta das organizacións asociadas asistentes (como mínimo, a metade + unha das ONGD presentes deberán votar a favor).

### **Efectos xurídicos**

As organizacións que reciban a aprobación da súa entrada na Coordinadora adquirirán, desde o día seguinte á Asemblea, a condición de organizacións asociadas de pleno dereito.

### **Perda da condición de organización asociada da Coordinadora**

As causas de perda de condición de ONGD integrada poden ser:

- A propia vontade da organización, debidamente comunicada.
- Non satisfacer as cotas de socia fixadas durante dous anos.
- Ausencia reiterada (tres veces consecutivas) ás Asembleas Xerais convocadas pola Coordinadora.
- Ser declarada ilegal ou disolta por sentenza xudicial firme.
- Actuación pública contraria aos fins da Coordinadora ou ao Código de Conduta, previo ditame da Xunta Directiva e audiencia da organización afectada.

A perda da condición de organización asociada será declarada pola Asemblea Xeral.